


FANKALAZANA NY FIANAKAVIANA MASINA - TAONA B



FIANAKAVIANA MIFANKATIA, LANITRA ETY AN-TANY

Ry Kristianina havana, anio Alahady manaraka ny Noely no ahatsiarovana manokana ny Fianakaviana masina. Somebiseby isika amin'izao famaranana ny taona izao amin'ny fanomanana ny fety fa aoka tsy hanadino ny fototry ny fiainantsika raha mahatsiaro izao fetin'ny Fianakaviana masina izao. Masina ny fianakaviana satria misy an'i Jesoa izay nankalazaintsika tamin'ny Noely,

Andriamanitra eto amintsika. Raha eo anivon'ny fianakaviana tsirairay i Jesoa dia masina ny fianakaviana satria misy an'Andriamanitra ka na dia miatrika zavatra maro mety manahirana aza eo amin'ny fiainana dia matanjaka satria mitambatra amin'Andriamanitra ka feno fitiavana.

Vakiteny I : Jen. 15, 1-6; 21, 1-3

Tononkira : Sal. 104

Vakiteny II : He 11, 8. 11-12. 17-19

Evanjely : Lk. 2, 22-40

Noharian'Andriamanitra hitovy endrika Aminy isika, ary fitiavana ny endrik'Andriamanitra ka io fitiavana io no eo anivontsika raha Andriamanitra eo anivontsika ka izany no maha lanitra ny fianakaviana mifankatia. Raha mandinika sy mibanjina an'izany rehetra izany isika amin'izao Alahady sady famaranana ny taona izao no fifanoloran'ny mpianakavy ny firarian-tsoa dia henontsika tsara amin'ny Vakiteny voalohany bokin'ny Jenezy fa i Abrahama nahazo tsodrano manokana

tamin'Andriamanitra satria nandray an'Andriamanitra izy, fantantsika ny sedra niainan'i Abrahama. Noho izy nino sy nahatoky ary nametraka an'Andriamanitra eo anivon'ny fiainany sy fianakaviany dia nahazo tsodrano tamin'Andriamanitra izy ka nolazainy hoe ho tahaka ny kintana ny taranany. Taranaka no tsodrano lehibe indrindra, taranaka voakolokolo sy voakarakara, taranaka nobeazina araky ny mahaolona araky ny endrik'Andriamanitra. Milaza miara-mahita anefa isika fa ny fianakaviana no tena mitondra takaitra amin'izao KORONTANAVIRUS izao, izy no victime satria tena very ny maha izy azy, very ny identité, very repère ny fianakaviana jiaby. Izay indrindra no mahatonga ny Papa nametraka ny taona 2021 ho taonan'I Md Josefa, handinihina sy hibanjinina ny vokasion'ny Ray izay hita amin'I Md Josefa. Mila BABA izao tontolo izao hoy ny Papa. Betsaka ny Ray izany hoe ireo mitondra fianakaviana (fianakaviana araka ny namaritantsika azy tsy ny fianakaviana tokenrano ihany fa ny sehatra rehetra misy fiombonam-piainana : fikambanana, firohotana, vaomiera, communauté religiozy, pretra, sekoly toeram-piasana sns...) tsy mahalala ary indrindra tsy mivelona intsony ny vôlekasiona maha-Ray. Noho izany antsoin'I Papa isika handinika indray ary hahatsapa ny vôlekasiona maha-Ray. Mila izany isika raha te ho afaka amin'izao KORONTANAVIRUS izao. Anisan'ny départ vaovao, mila "changement radical" fiovam-penitra mahery vaika ho an'ireo izay manam-pahefana rehetra, ho Baba manompo tahaka an'I Md Josefa mikarakaraka sy mikolokolo. Mila volena indray io "vocation" mikolokolo io hoy ny Papa "culture des soins". Io fahaizana mikolokolo io no mitondra amin'ny fivelarana marina sy maharitra mitondra amin'ny fiadanana satria efa potika ireo fifandraisana telo mandrafitra ny mahaolona ka ny Ray manana adidy voalohany amin'izany. Averimberintsika matetika fa ny fahantrana eto Madagasikara dia tsy hoe tsy misy harena, tsy misy manam-pahaizana, tsy hoe tsy misy manao politika fa mahantra isika satria tsy manana olomarina. I Md Josefa lehilahy marina no modely ho antsika. Mila Baba manam-panahy, ny fanahy no maha olona, olona araky ny endrik'Andriamanitra. Izany ilay tsodrano sy fafirano nataon'Andriamanitra tamin'i Abrahama.

Ry Kristianina havana, mibanjina ny Fianakaviana masina tokoa isika, tsarovy fa modely ho antsika tokoa ny Fianakaviana masina izay ankalazaintsika anio, tsy hoe mahatsiaro fotsiny isika rehefa mankalaza fa mivelona sy miaina an'izay ankalazaina. Masina io fianakaviana io satria teo anivon'izy ireo i Jesoa fa ny faharoa tiana asongadina dia maha modely ny Fianakaviana masina.

Mivavaka ny Fianakaviana masina izany hoe mitoetra ao amin'i Jesoa ka ampirisihina isika hanahaka ny Fianakaviana masina, hivavaka sy hitoetra ao amin'Andriamanitra.

Matoa tsy mamokatra ny fiainantsika dia satria tsy mitoetra ao amin'ny Tompo, matoa mikorontana ny fianakaviansika, matoa tsy marina tsara ny fiainantsika dia satria tsy mivavaka isika izany hoe tsy eo anivon'ny fiainantsika i Jesoa. Izany no antitranterintsika matetika hoe aoka hapetratsika eo anivon'ny fiainantsika ny lakroa, aoka isika hanaja an'i Masina Maria sy ny Fo masin'i Jesoa. Aoka hotsaroantsika fa nanokana ny asabotsy isika eto amin'ny diosezy ho andro nataontsika hivavahana ho an'ny fianakaviana. Io no ezaka amin'ny telo volana voalohany : Fianakaviana "eglizy kely" miara-mivavaka sy miara-mandalina ny finoana. Tohizantsika izany ary hamafisintsika. Araky ny hafatry ny Papa, tsy maintsy mamboly "tontolo mikolokolo" isika "culture des soins" ka hiezaka isika amin'ny 1 janvier janvier ka hatramin'ny Paka hikelokolo ny fifandraisantsika amin'ny zava-boary.

Tohizantsika ny fibanjinantsika ny Soratra mba ho tena ohatra velona ho antsika tokoa amin'izany rehetra izany ny Fianakaviana Masina. Rehefa tonga ny fivahiniana masina tany Jerosalema dia tany no nahitana an'i Jesoa tao an-tempoly satria novolavolaina tamin'ny fivavahana izy. Aoka ho volavolaintsika amin'ny fivavahana ny taranatsika ka handray ny fanomezana fiton'ny Fanahy Masina mba ho taranaka mandavorary sy manatsara ny fiainana andavanandro fa tsy taranaka manakorontana, manapotika. Ho feno fiadanana ny fianakaviansika raha mivavaka. Raha tiantsika ho tanteraka izany dia aoka ho fianakaviana mivavaka isika. Modely ho antsika amin'izany ny Fianakaviana masina.

Azo asongadina ihany koa araky ny henontsika amin'ny Vakiteny faharoa fa fototra lehibe ny finoana. Io no nahazoan'i Abrahama taranaka analikisa tahaka ny kintana satria nino izy na dia efa antitra aza, izany hoe efa amin'ny taona tsy hahazoana taranaka intsony.

Aoka amin'izao ezaka ataontsika izao mba ho fianakaviana mandalim-pinoana isika tahaka an'i Md Josefa sy Masina Maria, tahaka an'i Abrahama mba hanao ezaka lehibe hampianatra katesizy ny zanatsika. Naharitra ela no tsy nisy katesizy noho ny KORONTANAVIRUS ka aza variana isika. Ny finoana ihany koa no nanoloran'i Abrahama an'Isaaka ka nahazoany ny fahasoavana. Aoka ho tahaka ny Fianakaviana masina isika. Nanolotra an'i Jesoa tao an-tempoly izy ireo ka tamin'io no niloa-bava i Simeona mikasika ny faminiana ny momba an'i Jesoa.

Aoka ho fianakaviana mahafofy isika ka handray an-tànana ny Eglizy, mba hiditra amin'ny fikambanana masina na firohotana isika na ny Ray na ny Reny na ny zanaka, samy misy fikambanana na firohotana tandrify azy ny tsirairay avy. Aoka hahafoy isika hirotsaka hikatoka amin'ny fikambanana na koa hirotsaka hanompo amin'ny alalan'ny vaomiera ka handray an-tànana ny Eglizintsika tsirairay avy.

Modely ho antsika ihany koa amin'ny fahafoizana ny fianakaviana tao Nazareta ary faran-tampony ny fahafoizana nataon'i Jesoa tamin'ny hazo fijaliana.

Matoa tsy tanteraka ny fihavanana izay imatimatesantsika, toy izay hahafoy isika dia fitiavan-tena no manjaka amintsika. Aoka hahafoy isika ka hijoro ho vavolombelona ao anatin'ny fikambanana masina sy hanompo ao anatin'ny vaomiera, hahafoy amin'ny alalan'ny fandraisana anjara amin'ny hasim-pinoana. Aoka hahafoy isika ka ho **EOV MISIONERA VITA BATEMY KA IRAHINA HO TABERNAKA VELONA.**

Mety mieritreritra isika fa lavitra izany Fianakaviana masina izany satria tany Nazareta. Lavitra amin'ny fotoana satria efa roa arivo taona lasa, kanefa ireo olomasina izay nibanjina ny Fianakaviana masina dia nandray azy ireo ho modely. Modely ho antsika koa izy ireo amin'izao andro iainantsika izao tahaka an'i Victoire Rasoamanarivo izay fantantsika fa tia fianakaviana, tahaka an'i Lucien Botovasoa.

Henontsika amin'ny Evanjely fa nitombo sady feno fahendrena i Jesoa tao amin'ny Fianakaviana masina, izany koa no irina amin'ny taranatsika rehetra. Ho taranaka maro sy feno fahendrena ny eto

amintsika eto Madagasikara dia ilay fahendren'Andriamanitra satria izany no lanitra ary indrindra ny eto an-tany dia mba ho fianakaviana feno fitiavana an'Andriamanitra ka ho feno hafaliana lavorary.

Ry Kristianina havana, aoka mba hanjaka eto anivontsika tokoa i Jesoa amin'izao andro ivavahantsika manokana ho an'ny fianakaviana izao, satria lzy no fototry ny finoantsika, manjaka i Jesoa raha manao ny marina isika, raha ao anatin'ny fifankatiavana marina isika, raha mampanjaka ny rariny sy ny hitsiny isika, raha mikatsaka mandrakariva ny fihavanana amin'ny alalan'ny fahafoizana isika.

Ry Jesoa Tompo ô, nanaiky ho anisan'ny fianakaviana lanao, nofidiana ho lalam-pamonjena ny fianakaviana ka enga anie ho lalam-pamonjena ny fianakavianay tsirairay avy sy ny olombelona rehetra. Mba ho lanao tokoa no hanjaka eo anivon'ny fiainanay ka ho feno fitiavana sy fifanajana ary fahamarinana ny fianakaviana rehetra ka dia ho taranaka manorina ny taranakay. Aoka àry izahay hitoetra ao Aminao ary lanao hitoetra eo aminay amin'izay dia ho lavorary ny fifalianay. Masina Maria, Md Josefa mivavahà ho an'ny fianakaviana izay tena mijaly tratin'ity KORONTANAVIRUS ity ka maro no very repère. Mivavahà ho an'ny Ray rehetra mba hahita marina ny tena vòkasiony. Amen

Mompera Arseveka Mgr Benjamin Ramaroson